

摘藻堂四庫全書薈要

史部

欽定四庫全書薈要

史部

前漢書卷十二

詳校官主事銜臣徐以坤



欽定四庫全書薈要卷三千七百二十三

史部

前漢書卷十

漢 蘭 臺 令 史 班固撰

唐正議大夫行秘書少監琅邪縣開國子顏師古注

成帝紀第十

孝成皇帝

荀悅曰諱驚字太孫驚之字曰俊應劭曰諡法安民立政曰成師古曰驚音五到反

元

帝太子也母曰王皇后元帝在太子宮生甲觀畫堂

應劭

曰甲觀在太子宮甲地主用乳生也畫堂畫九子母如淳曰甲觀觀名畫堂堂名三輔黃圖云太子宮有甲觀

師古曰甲者甲乙丙丁之次也元后傳言見於丙殿此其例也而應氏以為在宮之甲地謬矣畫堂但畫飾耳豈必九子母乎霍光止畫室中是則宮殿中通有緣畫之堂室為世嫡皇孫宣帝愛之

字曰太孫常置左右年三歲而宣帝崩元帝即位帝為

太子壯好經書寬博謹慎初居桂宮

師古曰三輔黃圖桂宮在城中近北

宮非太子宮

上嘗急召太子出龍樓門

張晏曰門樓上有銅龍若白鶴飛廉之為

名不敢絕馳道

應劭曰馳道天子所行道也若今之中道師古曰絕橫度也

西至直

城門

晉灼曰黃圖西出南頭第二門也

得絕乃度還入作室門上遲之

問其故以狀對上大說

師古曰說讀曰悅

乃著令令太子得絕

馳道云

師古曰言云者此舉著令之文

其後幸酒樂燕樂

晉灼曰幸酒好酒也樂燕

沈讌也師古曰幸酒晉說是也樂燕樂者論語稱孔子云損者三樂樂驕樂樂逸遊樂燕樂損矣燕樂燕私之樂也上樂讀如本字又音五孝反下樂音來各反今流俗本無下樂字後人不曉輒去之上不以為

能而定陶恭王有材藝母傳昭儀又愛幸上以故常有  
意欲以恭王為嗣賴侍中史丹護太子家輔助有力上  
亦以先帝尤愛太子故得無廢竟寧元年五月元帝崩  
六月己未太子即皇帝位謁高廟尊皇太后曰太皇太  
后皇后曰皇太后以元舅侍中衛尉陽平侯王鳳為大

司馬大將軍領尚書事乙未有司言乘輿車牛馬禽獸皆非禮不宜以葬奏可七月大赦天下

建始元年春正月乙丑皇曾祖悼考廟災

文穎曰宣帝父史皇孫廟

立故河間王弟上郡庫令良為王

如淳曰漢官北邊郡庫官之兵器所藏故

置有星孛于營室罷上林詔獄

師古曰漢舊儀云上林詔獄主治苑中禽獸宮

館事屬水衡

二月右將軍長史姚尹等使匈奴還去塞百餘

里暴風火發燒殺尹等七人賜諸侯王丞相將軍列侯

王太后公主王主

張晏曰天子女曰公主秩比公也王主王之女也師古曰王主則翁主也

王自主婚故曰王主

吏二千石黃金宗室諸官吏千石以下至二

百石及宗室子有屬籍者三老孝弟力田鰥寡孤獨錢

帛各有差吏民五十戶牛酒詔曰迺者火災降於祖廟

有星孛于東方始正而虧

如淳曰言始即帝之正而有彗星之虧也

咎孰大

焉

師古曰孰有大於此者孰誰也

書云惟先假王正厥事

師古曰商書高宗彤日載

武丁之臣祖己之辭也假至也言先古至道之君遭遇災變則正其行事修德以應之

羣公孜孜

帥先百寮輔朕不逮

師古曰孜孜不怠之意孜孜音茲

崇寬大長和睦凡

事恕已毋行苛刻

師古曰恕者仁也仁已之心以度於物

其大赦天下使

得自新封舅諸吏光祿大夫關內侯王宗為安成侯

應劭

曰百官表諸吏得舉法案劾職如御史中丞武帝初置皆兼官所加或列侯將軍卿大夫為之無員也

賜

舅王譚商立根逢時爵關內侯夏四月黃霧四塞博問

公卿大夫無有所諱六月有青蠅無萬數

師古曰言其極多雖欲以

萬數計之而不可得故云無萬數

集未央宮殿中朝者坐

服虔曰公卿以下朝會坐

也晉灼曰內朝臣之朝坐也師古曰朝臣坐之在宮殿中者也服說是矣坐音才卧反

秋罷上林

宮館希御幸者二十五所八月有兩月相承晨見東方

服虔曰相承在上下也應劭曰案京房易傳云君弱如婦為陰所乘則兩月出九月戊子流星



光燭地長四五丈委曲蛇形貫紫宮十二月作長安南

北郊罷甘泉汾陰祠是日大風拔甘泉時中大木十韋

以上

師古曰韋與圍同

郡國被災什四以上毋收田租

師古曰什四謂

田畝所收十損其四

二年春正月罷雍五時辛巳上始郊祀長安南郊詔曰

廼者徙泰畤后土于南郊北郊朕親飭躬郊祀上帝

師古

曰飭整也讀與勅同

皇天報應神光並見三輔長無共張繇役之

勞

師古曰共音居用反張音竹亮反謂供具張設他皆類此。宋祁曰姚本注云漢每上雍祀甘泉有千乘

萬騎置頓之勞今移祀于赦奉郊縣長安長陵應劭曰南郊郊故有共帳繇役也天郊在

長安城南地郊在長安城北長陵界及中都官耐罪徒中二縣有奉郊之勤故一切並赦之

師古曰中都官減天下賦錢算四十孟康曰本算百二十今減四十為八

十閏月以渭城延陵亭部為初陵二月詔三輔內郡舉

賢良方正各一人師古曰內郡謂非邊郡三月北宮井水溢出辛

丑上始祠后土于北郊丙午立皇后許氏師古曰許嘉女罷六

廐技巧官服虔曰倡技巧者也師古曰謂巧藝之技耳非倡樂之技也夏大旱東平

王宇有罪削樊亢父縣師古曰樊及亢父東平之二縣也亢音抗父音甫秋罷

太子博望苑

文穎曰武帝為衛太子作此苑令受賓客也

以賜宗室朝請者

師古曰請音才性反

減乘輿廐馬

三年春三月赦天下徒賜孝弟力田爵二級諸逋租賦

所振貸勿收秋關內大水七月虎上小女陳持弓聞大

水至走入橫城門闌入尚方掖門

服虔曰虎音斯應劭曰虎上地名在渭水

邊陳姓也持弓名也無符籍妄入官曰闌掖門者正門

之傍小門也如淳曰橫音光三輔黃圖北面西頭第一

門師古曰掖門在兩傍言如人臂掖也

至未央宮鉤盾中吏民驚上城九月詔曰迺者郡國被水災流殺人民多至千數京師無

故訛言大水至

師古曰訛偽言

吏民驚恐奔走乘城

師古曰乘登也

殆

苛暴深刻之吏未息元元寃失職者衆

師古曰職常也失其常業

遣

諫大夫林等循行天下

師古曰行音下更反

冬十二月戊申朔日

有蝕之夜地震未央宮殿下詔曰蓋聞天生衆民不能

相治為之立君以統理之君道得則草木昆蟲咸得其

所師古曰昆衆也昆蟲言衆蟲也又許慎說文云二虫為蝕讀與昆同謂虫之總名兩義並通而鄭康成以

昆蟲為明蟲失之矣虫音許尾反

人君不德謫見天地

師古曰言天地見變所以責之

災異婁發以告不治

師古曰婁古屢字也治音丈吏反

朕涉道日寡舉

錯不中

師古曰中當也音竹仲反

乃戊申日蝕地震朕甚懼焉公卿

其各思朕過失明白陳之女無面從退有後言

師古曰虞書益

稷之篇云帝曰予違汝弼汝無面從退有後言謂我有違道汝當正之無得對面則順從唯唯退後則有謗讟之言也故丞相御史與將軍列侯中二千石及內郡國

舉賢良方正能直言極諫之士詣公車朕將覽焉越雋

山崩

四年春罷中書宦官

臣瓚曰漢初中人有中謁者令孝武加中謁者令為中書謁者令置

僕射宣帝時任中書官弘恭為令石顯為僕射元帝即位數年恭死顯代為中書令專權用事至成帝乃罷其

官初置尚書員五人

師古曰漢舊儀云尚書四人為四曹常侍尚書主丞相御史事二十

石尚書主刺史二千石事戶曹尚書主庶人上書事主客尚書主外國事成帝置五人有三公曹主斷獄事

夏四月雨雪

師古曰雨音于具反

五月中謁者丞陳臨殺司隸校

尉轅豐於殿中

應劭曰豐為長安令治有能名擢拜司隸校尉臨素與豐有怨見其尊顯畏為

已害拜訖未出使人刺殺

秋桃李實大水河決東郡金隄

師古曰金隄者河隄

之名今在滑州界

冬十月御史大夫尹忠以河決不憂職自殺

河平元年春三月詔曰河決東郡流漂二州

師古曰兗州豫州之

地校尉王延世隄塞輒平其改元為河平賜天下吏民

爵各有差夏四月己亥晦日有蝕之既詔曰朕獲保宗

廟戰戰栗栗未能奉稱

師古曰謂不副先帝之業

傳曰男教不修陽

事不得則日為之蝕天著厥異幸在朕躬公卿大夫其

勉悉心以輔不逮

師古曰悉盡也逮及也

百寮各修其職惇任仁

人退遠殘賊

師古曰惇厚也遠離也遠音于萬反

陳朕過失無有所諱大

赦天下六月罷典屬國并大鴻臚秋九月復太上皇寢

廟園

二年春正月沛郡鐵官冶鐵飛語在五行志夏六月封

舅譚商立根逢時皆為列侯

三年春二月丙戌捷為地震山崩

師古曰捷音其言反又其連反

雍江

水水逆流

師古曰雍音壅其下皆同

秋八月乙卯晦日有蝕之光祿

大夫劉向校中祕書

師古曰言中以別外

謁者陳農使使求遺書

於天下

師古曰言令陳農為使而使之求遺書也上使音所更反下使讀如本字

四年春正月匈奴單于來朝赦天下徒賜孝弟力田爵

二級諸逋租賦所振貸勿收二月單于罷歸國三月癸

丑朔日有蝕之遣光祿大夫博士嘉等十一人行舉瀕



河之郡

師古曰巡行而舉其狀也瀕水厓也瀕河言傍河也行音下更反瀕音頻又音賓傍音布浪反

水所毀傷困乏不能自存者財振貸

師古曰財與裁同謂量其等差而振

貸其為水所流壓死不能自葬令郡國給槨槨葬埋

師古

曰槨槨謂小棺

槨音衛槨音讀已葬者與錢人二十避水它郡國在所

冗食之

文穎曰冗散也散廩食使生活不占著戶給役使也如淳曰散著人間給食之官償其直也師

古曰文說是也冗音如勇反食讀曰飢

謹遇以文理無令失職

師古曰勿使失其常

理舉惇厚有行能直言之士壬申長陵臨涇岸崩雍涇

水夏六月庚戌楚王囂薨山陽火生石中改元為陽朔

陽朔元年

應劭曰時陰盛陽微故改元曰陽朔欲陽之蘇息也師古曰應說非也朔始也以火生石

中言陽氣之始

春二月丁未晦日有蝕之三月赦天下徒冬京

兆尹王章有罪下獄死

二年春寒詔曰昔在帝堯立羲和之官

應劭曰尚書堯典曰乃命羲和

義氏和氏世掌天地之官

命以四時之事令不失其序故書云黎民

於蕃時雍

應劭曰黎衆也時是也雍和也言衆民於是變化用是太和也韋昭曰蕃多也師古曰此

虞書堯典之辭也今尚書作變而此紀作蕃兩說並通蕃音扶元反

明以陰陽為本也今

公卿大夫或不信陰陽薄而小之

師古曰謂為輕小之事也所奏請

多違時政

李奇曰時政月令也

傳以不知周行天下

如淳曰在位者皆不知陰

陽時政轉轉相因故令後人遂不知也師古曰如說非也言遞相因循以所不知之事施設教命周徧天下

而欲望陰陽和調豈不謬哉其務順四時月令三月大

赦天下夏五月

○宋祁曰古本無夏字

除吏八百石五百石秩

李奇

曰除八百就六百除五百就四百

秋關東大水流民欲入函谷天井壺

口五阮關者勿苛留

應劭曰天井在上黨高都壺口在壺關五阮在代郡如淳曰阮音近

捲反師古曰苛細刻也阮音其遠反苛音河

遣諫大夫博士分行視

師古曰行音下

更八月甲申定陶王康薨九月奉使者不稱

師古曰不副上意

詔曰古之立太學將以傳先王之業流化於天下也儒

林之官四海淵原宜皆明於古今溫故知新通達國體

師古曰溫厚也謂厚積於故事也

故謂之博士否則學者無述焉為下

所輕非所以尊道德也工欲善其事必先利其器

師古曰論

語載孔子之言也故此詔引焉

丞相御史其與中二千石二千石雜舉

可充博士位者使卓然可觀

師古曰卓然高遠之貌也

是歲御史大

夫張忠卒

師古曰史不記其月故書之於歲末其下王駿亦同

三年春三月壬戌隕石東郡八夏六月潁川鐵官徒申

屠聖等百八十人殺長吏盜庫兵自稱將軍經歷九郡

遣丞相長史御史中丞逐捕以軍興從事皆伏辜

師古曰逐

捕之事須有發興皆依軍法

秋八月丁巳大司馬大將軍王鳳薨

四年春正月詔曰夫洪範八政以食為首

師古曰洪範尚書篇名箕

子為周武王所說洪大也範法也八政一曰食蓋王政之所先故以為首

斯誠家給刑錯之

本也

師古曰言倉廩充盈則家家自足人不犯禁無所用刑也

先帝勸農

蘇林曰勸音翹精異

之意也晉灼曰勸勸勉也師古曰晉說是也其字從力音時召反

薄其租稅寵其強力

師古曰謂優寵力田之人

令與孝弟同科

師古曰謂每同薦舉及加賜也

間者民彌

惰怠鄉本者少趨末者衆將何以矯之

師古曰鄉讀曰嚮矯正也

方

東作時

應劭曰東作耕也師古曰春位在東耕者始作故曰東作虞書堯典曰平秩東作

其令

二千石勉勸農桑出入阡陌致勞來之

師古曰阡陌田間道也南北曰

阡東西曰陌蓋秦時商鞅所開也勞來勸勉之意也勞音郎到反來音郎代反

書不云乎服田

力嗇乃亦有秋

應劭曰農夫服田厲其膂力乃有秋收也師古曰此商書盤庚之辭

其勗

之哉二月赦天下秋九月壬申東平王宇薨閏月壬戌

御史大夫于永卒

師古曰于定國子

鴻嘉元年春二月詔曰朕承天地獲保宗廟明有所蔽

德不能綏刑罰不中衆寃失職趨闕告訴者不絕是以

陰陽錯謬寒暑失序

師古曰序次也

日月不光百姓蒙辜朕甚

閔焉

師古曰蒙被也

書不云乎即我御事罔克耆壽咎在厥躬

文穎曰此尚書文侯之命篇中辭也言我周家用事者無能有耆老賢者使國之危亡罪咎在其用事者也師古曰咎在厥躬平王自謂故帝引之以自責耳文氏乃云咎在用事斯失之矣方春生長時臨

遣諫大夫理等

師古曰天子自臨敕而遣

舉三輔三河弘農寃獄公

卿大夫部刺史明申敕守相稱朕意焉其賜天下民爵

一級女子百戶牛酒加賜鰥寡孤獨高年帛逋貸未入

者勿收壬午行幸初陵赦作徒

師古曰徒人之在陵作役者

以新豐

戲鄉為昌陵縣

師古曰戲水之鄉也音許宜反

奉初陵賜百戶牛酒上

始為微行出

張晏曰於後門出從期門郎及私奴客十餘人白衣組幘單騎出入市里不復警蹕

若微賤之所為故曰微行

冬黃龍見真定

師古曰本趙國東垣縣也高祖十一年更名真定

二年春行幸雲陽三月博士行飲酒禮有雉蜚集于庭

歷階升堂而雉

師古曰蜚古飛字也歷階謂以次而登也○宋祁曰歷階唐本作歷陞

後

集諸府又集承明殿

師古曰在未央宮中

詔曰古之選賢傳納以

言明試以功

師古曰傳讀曰數數陳也令其陳言而省納之乃試以事也

故官無廢



事下無逸民

師古曰逸遁也

教化流行風雨和時百穀用成衆

庶樂業咸以康寧朕承鴻業十有餘年數遭水旱疾疫

之災黎民婁困於饑寒

師古曰婁古屢字

而望禮義之興豈不

難哉朕既無以率道

師古曰道讀曰導

帝王之道日以陵夷

師古

曰陵丘陵也夷平也言其類替若丘陵之漸平也又意曰陵遲亦言如丘陵之逶遲稍卑下也他皆類此

廼招賢選士之路鬱滯而不通與

師古曰與讀曰歟

將舉者未

得其人也其舉敦厚有行義能直言者冀聞切言嘉謀

匡朕之不逮夏徙郡國豪傑貲五百萬以上五千戶于

昌陵賜丞相御史將軍列侯公主中二千石冢地第宅

師古曰並於昌陵賜之

六月立中山憲王孫雲客為廣德王

三年夏四月赦天下令吏民得買爵賈級千錢

師古曰賈讀曰

價

大旱秋八月乙卯孝景廟闕災冬十一月甲寅皇后

許氏廢廣漢男子鄭躬等六十餘人攻官寺篡囚徒

師古

曰逆取曰篡

盜庫兵自稱山君

四年春正月詔曰數赦有司務行寬大而禁苛暴訖今不改一人有辜舉宗拘繫農民失業怨恨者衆傷害和

氣水旱為災關東流冗者衆

師古曰冗散失其事業也冗音人勇反

青幽

冀部尤劇朕甚痛焉未聞在位有惻然者孰當助朕憂

之

師古曰孰誰也

已遣使者循行郡國

師古曰行音下更反

被災害什四

以上民貲不滿三萬勿出租賦逋貸未入皆勿收流民

欲入關輒籍內

師古曰錄其民籍而內之

所之郡國謹遇以理

師古曰之

也往務有以全活之思稱朕意秋勃海清河河溢被災者

振貸之冬廣漢鄭躬等黨與寢廣

師古曰寢古浸字浸漸也

犯歷四

縣衆且萬人拜河東都尉趙護為廣漢太守發郡中及

蜀郡合三萬人擊之或相捕斬除罪

師古曰賊黨相捕斬而來者赦其本

罪

旬月平遷護為執金吾賜黃金百斤

永始元年春正月癸丑太官凌室火

師古曰藏冰之室

戊午戾

后園關火夏四月封婕妤趙氏父臨為成陽侯五月封

舅曼子侍中騎都尉光祿大夫王莽為新都侯六月丙

寅立皇后趙氏

師古曰趙飛燕也即上所謂婕妤趙氏

大赦天下秋七月

詔曰朕執德不固謀不盡下

師古曰言不博謀於羣下

過聽將作大

匠萬年

師古曰過誤也萬年解萬年也

言昌陵三年可成作治五年中

陵司馬殿門內尚未加功

如淳曰陵中有司馬殿門如生時制也臣瓚曰天子之藏

壙中無司馬殿門也此謂陵上寢殿及司馬門也時皆未作之故曰尚未加功師古曰中陵陵中正寢也司馬

殿門內瓚說是也

天下虛耗

師古曰耗損也音呼到反

百姓罷勞

師古曰罷讀曰疲

客土疏惡

服虔曰取他處土以增高為客土也

終不可成朕惟其難怛然

傷心

師古曰惟思也

夫過而不改是謂過矣

師古曰論語載孔子之言故詔引之

其罷昌陵及故陵勿徙吏民令天下毋有動搖之心立

城陽孝王子俚為王

如淳曰俚音里

八月丁丑太皇太后王氏

崩

師古曰宣帝王皇后也

二年春正月己丑大司馬車騎將軍王音薨二月癸未

夜星隕如雨乙酉晦日有蝕之詔曰乃者龍見于東萊

日有蝕之天著變異以顯朕郵

師古曰郵與尤同謂過也

朕甚懼焉

公卿申救百寮深思天誠有可省減便安百姓者條奏

所振貸貧民勿收又曰關東比歲不登

師古曰比頻也

吏民以

義收食貧民入穀物助縣官振贍者已賜直

如淳曰賜之爵復租

賦以為直師古曰此說非也收食貧人謂收取而養食之助縣官振贍謂出物以助郡縣之官也已賜直謂官

賜其所費直也今方更加爵及免賦耳食讀曰飢

其百萬以上加賜爵右更

師古

曰第十四爵也

更音工衡反欲為吏補三百石其吏也遷二等

師古曰先

已為吏則

三十萬以上賜爵五大夫

師古曰第

吏亦遷

二等民補郎十萬以上家無出租賦三歲萬錢以上一

年冬十一月行幸雍祠五時十二月詔曰前將作大匠

萬年知昌陵卑下不可為萬歲居奏請營作建置郭邑

妄為巧詐積土增高多賦歛繇役興卒暴之作

師古曰

猝謂也

卒徒蒙辜死者連屬

師古曰屬音之欲反

百姓罷極天下匱

竭

師古曰罷讀曰疲匱空也竭盡也

常侍閤前為大司農中丞數奏昌

陵不可成

師古曰閼王閼也

侍中衛尉長數白宜早止徙家反

故處

師古曰長也淳于長也

朕以長言下閼章

如淳曰以衛尉長數白罷故因下閼請奏

罷作之章師古曰下音胡稼反

公卿議者皆合長計首建至策閼典主

省大費

師古曰司農中丞主錢穀顧庸故云典主

民以康寧閼前賜爵關內

侯黃金百斤其賜長爵關內侯食邑千戶閼五百戶萬

年佞邪不忠毒流衆庶海內怨望至今不息雖蒙赦令

不宜居京師其徙萬年敦煌郡是歲御史大夫王駿卒

師古曰王

吉之子也



三年春正月己卯晦日有蝕之詔曰天災仍重朕甚懼

焉

師古曰仍頻也重音直用反

惟民之失職

師古曰失其常業也

臨遣太中大

夫嘉等循行天下

師古曰行音下更反

存問耆老民所疾苦其與

部刺史舉惇樸遜讓有行義者各一人冬十月庚辰皇

太后詔有司復甘泉泰畤汾陰后土雍五畤陳倉陳寶

祠

師古曰陳寶祠在陳倉

語在郊祀志十一月尉氏男子樊並等

十三人謀反

師古曰尉氏陳留之縣

殺陳留太守劫畧吏民自稱

將軍徒李譚等五人共格殺並等皆封為列侯十二月

山陽鐵官徒蘇令等二百二十八人攻殺長吏盜庫兵

自稱將軍經歷郡國十九殺東郡太守汝南都尉遣丞

相長史御史中丞持節督趣逐捕

師古曰趣讀曰促

汝南太守

嚴訢捕斬令等

師古曰訢與欣同令即蘇令

遷訢為大司農賜黃金

百斤

四年春正月行幸甘泉郊泰時神光降集紫殿大赦天

下賜雲陽吏民爵女子百戶牛酒鰥寡孤獨高年帛三

月行幸河東祠后土賜吏民如雲陽行所過無出田租

夏四月癸未長樂臨華殿未央宮東司馬門皆災

師古曰東

面之司馬門也

六月甲午霸陵園門闕災出杜陵諸未嘗御者

歸家詔曰迺者地震京師火災婁降

師古曰婁古屢字

朕甚懼

之有司其悉心明對厥咎

師古曰悉盡也

朕將親覽焉又曰聖

王明禮制以序尊卑異車服以章有德雖有其財而無

其尊不得踰制故民興行

師古曰行音下更反

上義而下利

師古曰以

義為上以利為下

方今世俗奢僭罔極

師古曰罔無也極中也一日止也

靡有

厭足公卿列侯親屬近臣四方所則

師古曰則法也

未聞修身

遵禮同心憂國者也或廼奢侈逸豫務廣第宅治園池

多畜奴婢被服綺縠

師古曰被音皮義反

設鐘鼓備女樂車服嫁

娶葬埋過制吏民慕效寢以成俗

師古曰寢漸也

而欲望百姓

儉節家給人足豈不難哉詩不云乎赫赫師尹民具爾

瞻

師古曰小雅節南山之詩也赫赫盛貌也師尹尹氏為太師之官也言居位甚高備為衆庶所瞻仰

其

申敕有司以漸禁之

師古曰謂約束也

青綠民所常服且勿止

師古曰然則禁紅紫之屬

列侯近臣各自省改

師古曰省視也視而改之論語稱曾子曰

吾日三省吾身。劉敞曰子謂省者減省也改者頓改也

司隸校尉察不變者秋七

月辛未晦日有蝕之

元延元年春正月己亥朔日有蝕之三月行幸雍祠五  
時夏四月丁酉無雲有雷聲光耀耀四面下至地昏止  
赦天下秋七月有星孛于東井詔曰廼者日蝕星隕謫

見于天大異重仍

師古曰仍頻也重音直用反

在位默然罕有忠言

今孛星見于東井朕甚懼焉公卿大夫博士議郎其各

悉心惟思變意明以經對無有所諱與內郡國舉方正

能直言極諫者各一人

師古曰令公卿與內郡國各舉一人。宋祁曰注文南本作內

郡國共北邊二十二郡舉勇猛知兵法者各一人封蕭舉人

相國後喜為鄼侯

○宋祁曰喜字唐本南本並作嘉予據表傳作嘉是

冬十二月

辛亥大司馬大將軍王商薨是歲昭儀趙氏害後宮皇

子

師古曰趙飛燕之妹

二年春正月行幸甘泉郊泰時三月行幸河東祠后土

夏四月立廣陵孝王子守為王

○宋祁曰子守為王景德本史館本唐本並作

子字為王冬行幸長楊宮從胡客大校獵

如淳曰合軍聚衆有幡校擊鼓也周

禮校人掌王田獵之馬故謂之校獵師古曰如說非也此校謂以木自相貫穿為闌校耳校人職云六廐成校

是則以遮闌為義也校獵者大為闌校以遮禽獸而獵取也軍之幡旗雖有校名本因部校此無豫也○劉放曰予謂校讀如犯而不校之校校亦競也競逐獵也宿蒔陽宮師古曰岷蒔音倍賜從官

三年春正月丙寅蜀郡岷山崩

師古曰岷音武中反

雍江三日江

水竭二月封侍中衛尉淳于長為定陵侯三月行幸雍

祠五時

四年春正月行幸甘泉郊泰畤二月罷司隸校尉官三月行幸河東祠后土甘露降京師賜長安民牛酒

綏和元年春正月大赦天下二月癸丑詔曰朕承太祖

鴻業奉宗廟二十五年德不能綏理宇內百姓怨望者

衆不蒙天祐至今未有繼嗣天下無所係心觀于往古

近事之戒禍亂之萌皆由斯焉

師古曰始生曰萌

定陶王欣於

朕為子慈仁孝順可以承天序繼祭祀其立欣為皇太

子封中山王舅諫大夫馮參為宜鄉侯益中山國三萬

戶以慰其意

師古曰以不得繼統為帝之後恐其怨恨

賜諸侯王列侯金天

下當為父後者爵三老孝弟力田帛各有差又曰蓋聞

王者必存二王之後所以通三統也

師古曰天地人是為三統二王之後



并已昔成湯受命列為三代師古曰夏殷周是為三代而祭祀廢絕

考求其後莫正孔吉

臣瓚曰無若孔吉最正也

其封吉為殷紹嘉侯

三月進爵為公及周承休侯皆為公地各百里行幸雍

祠五時夏四月以大司馬票騎大將軍為大司馬

文穎曰王

根也罷將軍官御史大夫為大司空封為列侯益大司馬

大司空奉如丞相

如淳曰律丞相大司馬大將軍奉錢月六萬御史大夫奉月四萬也

秋

八月庚戌中山王興薨冬十一月立楚孝王孫景為定

陶王定陵侯淳于長大逆不道下獄死廷尉孔光使持

節賜貴人許氏藥飲藥死

師古曰即前所廢皇后許氏也

十二月罷部

刺史更置州牧秩二十石

二年春正月行幸甘泉郊泰時二月壬子丞相翟方進

薨三月行幸河東祠后土丙戌帝崩于未央宮

臣瓚曰帝年二

十即位即位二十六年壽四十五師古曰即位明年乃改元耳壽四十六

皇太后詔有司復

長安南北郊四月己卯葬延陵

臣瓚曰自崩至葬凡五十四日延陵在扶風去

長安六十  
十二里

贊曰臣之姑充後宮為婕妤

晉灼曰班彪之姑也

父子昆弟侍帷

幄數為臣言成帝善修容儀升車正立不內顧不疾言

不親指

師古曰不內顧者謂儼然端嚴不迴眄也不疾言者為輕肆也不親指者為惑下也此三句者

本論語鄉黨篇述孔子之事故班氏引之以美成帝今論語云車中不內顧不疾言不親指內顧者說者以為前視不過衡軛旁視不過轡較與此不同轡音於綺反臨朝淵嘿尊嚴若神可謂

穆穆天子之容者矣

師古曰禮記云天子穆穆諸侯皇皇大夫濟濟士蹌蹌故此贊引之

博覽古今容受直辭公卿稱職奏議可述

師古曰稱職克當其任也

可述言有文采

遭世承平上下和睦然湛于酒色

師古曰湛讀曰耽趙

氏亂內外家擅朝言之可為於邑

師古曰於邑短氣貌讀如本字於又音烏

邑又音烏合反他皆類此建始以來王氏始執國命哀平短祚莽遂篡位蓋其威福所由來者漸矣

前漢書卷十

前漢書卷十考證

成帝紀罷六廐技巧官。

臣召南

按百官表六廐技巧

二官有令有丞屬水衡都尉師古但解技巧未釋六廐於百官表注引漢舊儀即以太僕之大廐解之恐未為當此所罷者止言水衡所屬之六廐非太僕所屬也下文又云減乘輿廐馬則太僕所屬者矣

蓋聞天生衆民。宋本無蓋聞二字別本俱有

五阮關注應劭曰五阮在代郡。

臣召南

按地理志代

郡無五阮關有五原關疑五阮即五原音之轉耳

前漢書卷十考證

欽定四庫全書薈要卷三千七百二十四

史部

前漢書卷十一

漢 蘭 臺 令 史班 固撰

唐正議大夫行秘書少監琅邪縣開國子顏師古注

哀帝紀第十一

孝哀皇帝

荀悅曰諱欣之字曰喜應劭曰恭仁短折曰哀

元帝庶孫定陶恭王

子也母曰丁姬年三歲嗣立為王長好文辭法律

師古曰年

長而好之元延四年入朝盡從傳相中尉

師古曰三官皆從王入朝時成

帝少弟中山孝王亦來朝獨從傳上怪之以問定陶王

對曰令諸侯王朝得從其國二千石傳相中尉皆國二

千石故盡從之上令誦詩通習能說師古曰說其義他日問中

山王獨從傳在何法令不能對令誦尚書又廢師古曰中忘之

及賜食於前後飽起下鞮師古曰食而獨在後飽起又鞮係解也鞮音

武伐反成帝由此以為不能而賢定陶王數稱其材時王

祖母傳太后隨王來朝私賂遺上所幸趙昭儀及帝舅

票騎將軍曲陽侯王根昭儀及根見上亡子亦欲豫自



結為長久計皆更稱定陶王

師古曰更音工衡反

勸帝以為嗣成

帝亦自美其材為加元服而遣之

師古曰為之冠

時年十七矣

明年使執金吾任宏守大鴻臚持節徵定陶王立為皇

太子謝曰臣幸得繼父守藩為諸侯王材質不足以假

充太子之宮

師古曰謙不敢言為太子故云假充若陞言非正○宋祁曰非正新本作非如正陞

下聖德寬仁敬承祖宗奉順神祇宜蒙福祐子孫千億

之報

師古曰大雅假樂之詩曰千祿百福子孫千億言成王宜衆宜人所保佑求得福祿故子孫衆多

也十萬曰億故此謝書引以為言

臣願且得留國邸旦夕奉問起居俟

有聖嗣歸國守藩書奏天子報聞後月餘立楚孝王孫

景為定陶王奉恭王祀所以獎厲太子專為後之誼

師古

曰獎勸使也

語在外戚傳綏和二年三月成帝崩四月丙午

太子即皇帝位謁高廟尊皇太后曰太皇太后皇后曰

皇太后大赦天下賜宗室王子有屬者馬各一駟

師古曰有

屬謂親未盡尚有服者

吏民爵百戶牛酒三老孝弟力田鰥寡孤

獨帛太皇太后詔尊定陶恭王為恭皇五月丙戌立皇

后傅氏

師古曰傅晏女

詔曰春秋母以子貴尊定陶太后曰恭

皇太后丁姬曰恭皇后各置左右詹事食邑如長信宮

中宮

應劭曰成帝母王太后居長信宮李奇曰傳姬如長信丁姬如中宮也師古曰中宮皇后之宮追

尊傅父為崇祖侯丁父為褒德侯

師古曰傅父傅太后之父丁父丁太后之

父封舅丁明為陽安侯舅子滿為平周侯追諡滿父忠

為平周懷侯皇后父晏為孔鄉侯皇太后弟侍中光祿

大夫趙欽為新成侯六月詔曰鄭聲淫而亂樂

師古曰鄭國有

溱洧之水男女亟於其間聚會故俗亂而樂淫

聖王所放

師古曰放棄也論語稱孔子曰放鄭聲

其罷樂府曲陽侯根前以大司馬建社稷策益封二千

戶

師古曰王根也建  
議立哀帝為太子

太僕安陽侯舜輔導有舊恩益封

五百戶

師古曰  
王舜

及丞相孔光大司空汜鄉侯何武益封

各千戶

師古曰  
汜音汎

詔曰河間王良喪太后三年為宗室儀

表

師古曰儀表者言  
為禮儀之表率

益封萬戶又曰制節謹度以防奢

淫為政所先百王不易之道也

師古曰言為常  
法不可改易

諸侯王

列侯公主吏二千石及豪富民多畜奴婢田宅亡限與

民爭利百姓失職重困不足

師古曰失職失其常  
分也重音直用反

其議

限列

師古曰令條  
列而為限禁

有司條奏諸王列侯得名田國中列

侯在長安及公主名田縣道關內侯吏民名田皆無得

過三十頃

如淳曰名田國中者自其所食國中既收其租稅又自得私田三十頃名田縣道者

令甲諸侯在國名田他縣罰金二兩今列侯有不之國者雖遙食其國租稅復自得田於他縣道公主亦如之

不得過三十頃諸侯王奴婢二百人列侯公主百人關內侯吏

民三十人年六十以上十歲以下不在數中賈人皆不

得名田為吏

如淳曰市井子孫不得為吏見食貨志

犯者以律論諸名田

畜奴婢過品皆沒入縣官齊三服官諸官織綺繡難成

害女紅之物皆止無作輸

如淳曰紅亦工也其所作已成未成皆止無復作皆輸所

近官府也師古曰如說非也謂未成者不作已成者不輸耳

除任子令及誹謗詆欺

法應劭曰任子令者漢儀注吏二千石以上視事滿三年得任同產若子一人為郎不以德選故除之師古

曰任者保也詆誣也音丁禮反掖庭宮人年三十以下出嫁之官奴婢

五十以上免為庶人禁郡國無得獻名獸益吏三百石

以下奉

師古曰奉音扶用反

察吏殘賊酷虐者以時退有司無得

舉赦前往事前博士弟子父母死子寧三年

師古曰寧謂處家持

喪服○宋祁曰前博士一本無前字

秋曲陽侯王根成都侯王況皆有罪

根就國況免為庶人歸故郡詔曰朕承宗廟之重戰戰

兢兢懼失天心間者日月亡光五星失行郡國比比地

動師古曰比比猶言頻頻也邇者河南潁川郡水出流殺人民敗壞

廬舍朕之不德民反蒙辜朕甚懼焉已遣光祿大夫循

行舉籍師古曰舉其名籍也行音下更反賜死者棺錢人三千師古曰賜錢三

千以其令水所傷縣邑及他郡國災害什四以上民貲

不滿十萬皆無出今年租賦師古曰什四謂什分損四

建平元年春正月赦天下侍中騎都尉新成侯趙欽成

陽侯趙訢皆有罪免為庶人徙遼西師古曰訢欽皆趙昭儀之兄太

皇太后詔外家王氏田非冢塋皆以賦貧民

師古曰塋冢域也賦

給與也塋音營

二月詔曰蓋聞聖王之治以得賢為首其與大

司馬列侯將軍中二千石州牧守相舉孝弟惇厚能直

言通政事延于側陋可親民者各一人

師古曰言有孝弟惇厚直言通

政事之人雖在側陋可延致而任者皆令舉之○劉攽曰此詔亦是下丞相大司空者

三月賜諸

侯王公主列侯丞相將軍中二千石中都官郎吏金錢

帛各有差冬中山孝王太后媛

師古曰馮奉世之女也媛音爰

弟宜鄉

侯馮參有罪皆自殺二年春三月罷大司空復御史大



夫師古曰復音扶目反此下亦同夏四月詔曰漢家之制推親親以顯

尊尊師古曰天子之至親當極尊號定陶恭皇之號不宜復稱定陶尊

恭皇太后曰帝太后稱永信宮恭皇后曰帝太后稱

中安宮立恭皇廟于京師赦天下徒罷州牧復刺史六

月庚申帝太后丁氏崩上曰朕聞夫婦一體詩云穀則

異室死則同穴師古曰詩王風大車之篇也穀生也穴冢壙也昔季武子成寢

杜氏之殯在西階下請合葬而許之師古曰季武子魯大夫季孫宿也成

寢新為寢室也附葬之禮自周興焉師古曰禮記稱孔子曰合葬非古也

自周公以來郁郁乎文哉吾從周

師古曰論語稱孔子曰周監於二代郁郁

乎文哉吾從周言周觀視夏殷之禮而損益之典文大備吾從周禮也郁郁文章貌

孝子事亡如

事存帝太后宜起陵恭皇之園遂葬定陶發陳留濟陰

近郡國五萬人穿復土

師古曰為冢壙也復音扶目反

待詔夏賀良等

言赤精子之讖

待詔應劭曰諸以材技徵召未有正官故曰待詔夏姓也賀良名也高祖感赤龍而

生自謂赤帝之精良等因是作此讖文

漢家歷運中衰當再受命宜改元

易號詔曰漢興二百載歷數開元皇天降非材之佑

應劭

曰哀帝自言不才天降之佑

漢國再獲受命之符朕之不德曷敢不

通夫基事之元命必與天下自新

師古曰基始也元大也始為大事之命謂

改制度也又曰更受天之天命

其大赦天下以建平二年為太初元年

號曰陳聖劉太平皇帝

李斐曰陳道也言得神道聖者劉也如淳曰陳舜後王莽陳之

後謬語以明莽當篡立而不知韋昭曰敷陳聖劉之德也師古曰如韋二說是也○宋祁曰子按王莽傳以識

文解釋當作太初元年後人不曉四字為號漏刻  
輒削去元將二字非是後得唐本元將字果存

以百二十為度

師古曰舊漏晝夜共百刻今增其二十此本齊人甘忠可所造今賀良等重言

遂施行之事見李尋傳

七月以渭城西北原上水陵亭部為初陵

勿徙郡國民使得自安八月詔曰待詔夏賀良等建言

改元易號增益漏刻可以永安國家朕過聽賀良等言

師古曰冀為海內獲福卒亡嘉應皆違經背古不合時過誤也

宜六月甲子制書非赦令也皆蠲除之

如淳曰悔前赦令不蒙其福故

收令還之臣瓚曰改元易號大赦天下以求延祚而不蒙福哀帝悔之故更下制書諸非赦罪事皆除之謂改制易號令皆復故也師古曰如釋非也瓚說是矣非赦令也猶言自非赦令耳也語終辭也而讀者不曉輒改也為他字失本文也賀良等反道惑眾下有司皆伏辜丞相博御

史大夫玄孔鄉侯晏有罪

師古曰博朱博玄趙玄晏傳晏

博自殺玄減

死二等論晏削戶四分之一語在博傳

三年春正月立廣德夷王弟廣漢為廣平王癸卯帝太

太后所居桂宮正殿火三月己酉丞相薨師古曰平當有

星孛于河鼓夏六月立魯頃王子郢鄉侯閔為王蘇林曰郢

音魚縣名也屬東海師古曰又音吾冬十一月壬子復甘泉泰畤陰后

土祠罷南北郊東平王雲雲后謁安成恭侯夫人放文穎

曰恭侯王崇王太后弟皆有罪雲自殺謁放棄市

四年春大旱關東民傳行西王母籌師古曰西王母元后壽考之象行籌

又言執國家籌策行於天下經歷郡國西入關至京師民又會聚祠

西王母或夜持火上屋

李奇曰皆陰為陽之象

擊鼓號呼相驚恐

師古曰呼音火故反

二月封帝太太后從弟侍中傅商為汝昌侯

太后同母弟子侍中鄭業為陽信侯三月侍中駙馬都

尉董賢光祿大夫息夫躬南陽太守孫寵皆以告東平

王封列侯語在賢傳夏五月賜中二千石至六百石及

天下男子爵六月尊帝太太后為皇太太后秋八月恭

皇園北門災冬詔將軍中二千石舉民兵法有大慮者

師古曰慮謂謀策思慮  
○宋祁曰民疑當作明

元壽元年春正月辛丑朔日有蝕之詔曰朕獲保宗廟

不明不敏宿夜憂勞未皇寧息

師古曰皇暇也

惟陰陽不調元

元不贍

師古曰贍足也

未睹厥咎婁敕公卿庶幾有望

師古曰望其屬

精為治婁古屢字

至今有司執法未得其中

師古曰中音竹仲反

或上暴

虐假執獲名溫良寬柔陷於亡滅是故殘賊彌長和睦

日哀百姓愁怨靡所錯躬

師古曰錯置也音千故反

迺正月朔日有

蝕之厥咎不遠在余一人公卿大夫其各悉心勉帥百

寮

師古曰悉盡也寮官也

敦任仁人黜遠殘賊

師古曰敦厚也遠音于萬反

期

於安民陳朕之過失無有所諱其與將軍列侯中二千

石舉賢良方正能直言者各一人大赦天下丁巳皇太

太后傅氏崩三月丞相嘉有罪下獄死師古曰王嘉秋九月

大司馬票騎將軍丁明免孝元廟殿門銅龜蛇鋪首鳴

如淳曰門鋪首作龜蛇之形而鳴呼也師古曰門之鋪首所以銜環者也鋪音普胡反

二年春正月匈奴單于烏孫大昆彌來朝二月歸國單

于不說師古曰說讀曰悅語在匈奴傳夏四月壬辰晦日有蝕

之五月正三公官分職大司馬衛將軍董賢為大司馬



丞相孔光為大司徒御史大夫彭宣為大司空封長平

侯正司直司隸造司寇職

師古曰司直司隸漢舊有之但改正其職掌而司寇舊無

今特創置故云造也○宋祁曰南本職字上有官字

事未定六月戊午帝崩于未

央宮

臣瓚曰帝年二十即位即位六年壽二十

五師古曰即位明年乃改元壽二十六秋九月

壬寅葬義陵

臣瓚曰自崩至葬凡百五日義陵在扶風去長安四十六里

贊曰孝哀自為藩王及充太子之宮文辭博敏幼有令

聞

師古曰博廣也敏疾也令善也聞名也

睹孝成世祿去王室權柄外移

是故臨朝婁誅大臣欲彊主威以則武宣

師古曰雅性則法也

不好聲色時覽卞射武戲

應劭曰卞射皮卞而射也蘇林曰手搏為卞角力為武戲

也晉灼曰甘延壽傳試卞為期門師古曰蕪晉二說是

即位痿痺

蕪林曰痿音萎枯之萎如淳曰

痿音踳踳之踳弩病兩足不能相過曰痿師古曰痿亦痺病也音人佳反痺音必寐反踳踳者弩名事見晉令

踳音煩踳音挺

末年薨劇

師古曰薨漸也

饗國不永哀哉

師古曰永長也

# 前漢書卷十一

前漢書卷十一考證

哀帝紀使執金吾任宏守大鴻臚持節徵定陶王○胡三省曰大鴻臚掌諸侯故任宏守大鴻臚以迎定陶王守者權守也

待詔夏賀良等言赤精子之讖○

臣召南

按讖字始見

於此高祖以斬白蛇旗幟上赤然張蒼謂漢本水德公孫臣非之至武帝時猶謂以土德王未有言火德者也赤精子之說亦起于此張平子謂讖起哀平之

間信哉

號曰陳聖劉太平皇帝注如韋二說是也○胡三省曰  
韋說不詭于正如說則近于巫顏以二說為是將安  
從乎

又注宋祁曰予按王莽傳以識文解釋當作太初元  
將元年云云○臣召南按宋說是也太初是武帝年

號此時何至重紀蓋惑于術士之說創立四字年號  
以示更新其後雖不施行然後世四字年號遂起于

此

二年○監本作元壽二年

臣照

按帝紀從無此例凡年

號于元年特書二年以後即蒙前文未有再書者元  
壽二字明係衍文今刪去

前漢書卷十一考證

欽定四庫全書薈要卷三千七百二十五

史部

前漢書卷十二

漢 蘭 臺 令 史班 固撰

唐正議大夫行秘書少監琅邪縣開國子顏師古注

平帝紀第十二

孝平皇帝

荀悅曰諱衍之字曰樂應劭曰布綱治紀曰平師古曰衍音口旱反

元帝庶孫

中山孝王子也母曰衛姬年三歲嗣立為王元壽二年

六月哀帝崩太皇太后詔曰大司馬賢年少不合衆心

師古曰其上印綬罷賢即日自殺○宋祁曰唐本無即日二字新都

董賢

侯王莽為大司馬領尚書事秋七月遣車騎將軍王舜

大鴻臚左咸使持節迎中山王

師古曰為使而持節也使音所吏反

辛卯

貶皇太后趙氏為孝成皇后退居北宮哀帝皇后傅氏

退居桂宮

師古曰北宮及桂宮皆在城中而非未央宮中也

孔鄉侯傅晏少府

董恭等皆免官爵徙合浦

師古曰恭董賢之父

九月辛酉中山王

即皇帝位

劉歆曰辛酉去哀帝崩六十四日

謁高廟大赦天下帝年九

歲太皇太后臨朝大司馬莽秉政百官總已以聽於莽



師古曰聚東  
曰總音摠

詔曰夫赦令者將與天下更始誠欲令百

姓改行絜已全其性命也往者有司多舉奏赦前事累

增罪過誅陷亡辜殆非重信慎刑洒心自新之意也師古

曰洒滌也  
音先禮反及選舉者其歷職更事有名之士則以為難

保師古曰更經也難保者言已嘗  
有罪過不可保也更音工衡反廢而弗舉甚謬於赦

小過舉賢材之義師古曰論語云仲弓問政孔子諸有  
曰赦小過舉賢材故此詔引之

臧及內惡未發而薦舉者皆勿案驗師古曰有臧謂  
以臧貨致罪令

士厲精鄉進師古曰鄉  
讀曰嚮不以小疵妨大材師古曰  
疵病也自今

以來有司無得陳赦前事置奏上

師古曰置立也置奏上謂立文奏而上陳

也上音反

時掌反有不如詔書為虧恩以不道論定著令布告天

下使明知之

元始元年春正月越裳氏重譯獻白雉一黑雉二

師古曰越

裳南方遠國也譯謂傳言也道路絕遠風俗殊隔故累譯而後通

詔使三公以薦宗廟

羣臣奏言大司馬莽功德比周公賜號安漢公及太師

孔光等皆益封語在莽傳賜天下民爵一級吏在位二

百石以上一切滿秩如真

如淳曰諸官吏初除皆試守一歲廼為真食全奉平帝即

位故賜真師古曰此說非也時諸官有試守者特加非常之恩令如真耳非凡除吏皆當試守也一切者權時之事非經常也猶如以刀切物苟取整齊不顧長短縱橫故言一切他皆放此○劉攽曰予謂吏俸雖有其名皆不滿其數平帝即位推恩故賜令滿秩如二千石者得兩十百也顏百官表注吏俸差是其注云漢制三公稱萬石其俸月各三百五十斛穀其稱中二千石者月百八十斛二千石者百二十斛比二千石者百斛云云據後漢注所定千石以下歲得多少本立故東平王雲數此自建武時所加者非西漢舊事也

太子開明為王故桃鄉頃侯子成都為中山王封宣帝耳孫信等三十六人皆為列侯太僕王憚等二十五人

師古曰憚前議定陶傳太后尊號守經法不阿指從邪音於吻反

右將軍孫建爪牙大臣大鴻臚咸前正議不阿

師古曰左咸

後奉節使迎中山王

師古曰謂奉持節而為使

及宗正劉不惡執金

吾任岑中郎將孔永尚書令姚恂沛郡太守石詡

師古曰岑

音士林反恂音苟詡音況羽反

皆以前與建策東迎即位

師古曰帝本在中山出關

而迎故曰東迎與讀曰豫

奉事周密勤勞賜爵關內侯食邑各有差

賜帝徵即位前所過縣邑吏二千石以下至佐史爵各

有差又令諸侯王公列侯關內侯亡子而有孫若子同

產子者皆得以為嗣

師古曰子同產子者謂養昆弟之子為子者

公列侯嗣

子有罪耐以上先請宗室屬未盡而以罪絕者復其屬

師古曰復音扶目反

其為吏舉廉佐史補四百石

如淳曰宗室為吏及舉廉及佐

史皆補四百石師古曰此說非也言宗室為吏者皆命舉廉各從本秩而依廉吏遷之為佐史者例補四百石

天下吏比二千石以上年老致仕者參分故祿以一與

之終其身

師古曰參三也

遣諫大夫行三輔

師古曰行音下更反

舉籍吏

民

張晏曰舉錄賦歛之籍而償之

以元壽二年倉卒時橫賦歛者償其

直

師古曰卒讀曰猝橫音胡孟反

義陵民冢不妨殿中者勿發

如淳曰陵上有

宮牆象生制度為殿屋故曰殿中師古曰此說非也殿中謂墻中象正殿處

天下吏民亡得

置什器儲侍

師古曰軍法五人為伍二伍為什則共其器物故通謂生生之具為什器亦猶今之

從軍及作役者十人為火共畜調度也儲積也侍具也侍音丈紀反○宋祁曰唐本無吏字

二月置

義和官秩二千石外史問師秩六百石

應劭曰周禮問師掌四郊之民

時其徵賦也

班教化禁淫祀放鄭聲乙未義陵寢神衣在桺

中丙申旦衣在外床上

文穎曰哀帝陵也衣在寢中今自出在床上師古曰桺置也音

狎寢令以急變聞

師古曰非常之事故云急變

用太牢祠夏五月丁

巳朔日有蝕之大赦天下公卿將軍中二千石舉敦厚

能直言者各一人六月使少傅左將軍豐

師古曰甄豐○宋祁曰傳

一作  
府 賜帝母中山孝王姬璽書拜為中山孝王后賜帝

舅衛寶寶弟玄爵關內侯賜帝女弟四人號皆曰君食  
邑各二千石封周公後公孫相如為褒魯侯孔子後孔  
均為褒成侯奉其祀追諡孔子曰褒成宣尼公罷明光  
宮及三輔馳道天下女徒已論歸家顧山錢月三百

如淳

曰已論者罪已定也令甲女子犯罪作如徒六月顧山  
遣歸說以為當於山伐木聽使入錢顧功直故謂之顧  
山應劭曰舊刑鬼薪取薪於山以給宗廟今使女徒出  
錢顧薪故曰顧山也師古曰如說近之謂女徒論罪已  
定並放歸家不親役之但令一月出錢三百以顧人復  
也為此恩者所以行太皇太后之德施惠政於婦人

貞婦鄉一人

師古曰復音方目反鄉一人取其尤最者

置少府海丞果丞各

一人

師古曰海丞主海稅也果丞掌諸果實也

大司農部丞十三人人部一

州勸農桑太皇太后省所食湯沐邑十縣屬大司農常

別計其租入以贍貧民秋九月赦天下徒以中山苦陘

縣為中山孝王后湯沐邑

師古曰陘音形

二年春黃支國獻犀牛

應劭曰黃支在日南之南去京師三萬里師古曰犀狀如水牛

頭似猪而四足類象黑色一角當額前鼻上又有詔曰小角。宋祁曰南本顏注一角字上有有甲二字

皇帝二名通于器物

孟康曰平帝本名箕子更名曰衍箕用器也故云通于器物

今



更名合於古制

師古曰更改也

使太師光奉太牢告祠高廟夏

四月立代孝王玄孫之子如意為廣宗王江都易王孫

盱台侯宮為廣川王

師古曰盱音許于反台音怡

廣川惠王曾孫倫

為廣德王封故大司馬博陸侯霍光從父昆弟曾孫陽

宣平侯張敖玄孫慶忌絳侯周勃玄孫共舞陽侯樊噲

玄孫之子章皆為列侯復爵

師古曰共讀曰恭復音扶福反

賜故曲周

侯酈商等後玄孫酈明友等百一十三人爵關內侯食

邑各有差郡國大旱蝗青州尤甚民流亡安漢公四輔

三公卿大夫吏民為百姓困乏獻其田宅者二百三十

人張晏曰王莽為太傅孔光為太師王舜為太保甄豐為少傅是為四輔莽復兼大司馬馬宮為司徒王崇

為司空是為三公以口賦貧民師古曰計口而給其田宅遣使者捕蝗民捕

蝗詣吏以石斛受錢師古曰量蝗多少而賞錢天下民貲不滿二萬

及被災之郡不滿十萬勿租稅民疾疫者舍空邸第為

置醫藥師古曰舍止也賜死者一家六尸以上葬錢五千四尸

以上三千二尸以上二千罷安定呼池苑以為安民縣

師古曰中山之安定也起官寺市里募徙貧民縣次給食至

徙所賜田宅什器假與犂牛種食

師古曰種音之勇反

又起五里

於長安城中宅二百區以居貧民

如淳曰民居之里

秋舉勇武

有節明兵法郡一人詣公車九月戊申晦日有蝕之赦

天下徒使謁者大司馬掾四十四人持節行邊兵

師古曰行

音下遣執金吾侯陳茂假以鉦鼓

晉灼曰百官表執金吾屬官有兩丞候司

馬應劭曰將帥乃有鉦鼓今茂官輕兵少又但往諭曉之耳所以假鉦鼓者欲重其威也鉦者鐃也似鈴柄中

上下通師古曰鉦音征鐃音女交反

募汝南南陽勇敢吏士三百人諭說

江湖賊成重等二百餘人皆自出送家在所收事

如淳曰賊

雖自出得還其家而已不得復除尚當役作之也師古曰如說非也言身既自出又各送其家人詣本屬縣邑從賦役耳○劉攽曰賊二百皆異重徙雲陽服虔曰重縣人既自出故送家在所收事也成重也作賊長帥故賜公田宅冬中二千石舉治獄平歲一人李奇徙之也

曰吏治獄平端也

三年春詔有司為皇帝納采安漢公莽女

師古曰婚禮有納采問名

之禮謂采擇其可娶者

語在莽傳又詔光祿大夫劉歆等雜定婚

禮四輔公卿大夫博士郎吏家屬皆以禮娶親迎立輶

併馬

服虔曰輶音謠立乘小車也併馬驪駕也師古曰新定此制也併音步鼎反

夏安漢公

奏車服制度吏民養生送終嫁娶奴婢田宅器械之品

立官稷及學官

如淳曰郊祀志曰已有官社未有官稷遂立官稷於官社之後臣瓚曰漢初除

秦社稷立漢社稷其後又立官社配以夏禹而不立官稷至此始立官稷光武之後但有官社不立官稷師古曰淳瓚二說皆未盡也初立官稷於官社之後是為一處今更創置建於別所不相從也郡國曰學

縣道邑侯國曰校校學置經師一人鄉曰庠聚曰序

張晏

曰聚邑落名也師古曰聚小於鄉聚音才喻反

序庠置孝經師一人陽陵任橫

等自稱將軍盜庫兵攻官寺出囚徒大司徒掾督逐皆伏辜安漢公世子宇與帝外家衛氏有謀宇下獄死誅

衛氏

四年春正月郊祀高祖以配天宗祀孝文以配上帝改

殷紹嘉公曰宋公周承休公曰鄭公詔曰蓋夫婦正則

父子親人倫定矣前詔有司復貞婦歸女徒

師古曰復音方目反

誠欲以防邪辟

師古曰辟讀曰僻

全貞信及眊悼之人

師古曰八十曰

眊七年曰悼眊者老稱言其昏暗也悼者未成為人於其死亡可哀悼也眊音莫報反

刑罰所不

加聖王之所制也惟苛暴吏多拘繫犯法者親屬婦女

老弱搆怨傷化百姓苦之

師古曰搆結也

其明敕百寮婦女非

身犯法及男子年八十以上七歲以下家非坐不道詔

所名捕它皆無得繫

張晏曰名捕謂下詔時所捕也

其當驗者即驗問

師古曰就其所居而問

定著令二月丁未立皇后王氏大赦天下

遣太僕王憚等八人置副假節分行天下覽觀風俗

師古

曰行音反賜九卿已下至六百石宗室有屬籍者爵自五

大夫以上各有差

師古曰五大夫第九爵

賜天下民爵一級鰥寡

孤獨高年帛夏皇后見于高廟加安漢公號曰宰衡

應劭

曰周公為太宰伊尹為阿衡采伊周之尊以加莽

賜公太夫人號曰功顯君封

公子安臨皆為列侯安漢公奏立明堂辟廳

應劭曰明堂所以正

四時出教化明堂上圜下方八憲四達布政之宮在國之陽上八憲法八風四達法四時九室法九州十二重法十二月三十六戶法三十六風七十二牖法七十二雨孝經曰宗祀文王於明堂以配上帝上帝謂古時帝太昊之屬黃帝曰合宮有虞曰總章殷曰陽館周曰明堂辟廳者象璧園雍之以水象教化流行○宋祁曰注文三十六雨雨字舊作旬七十尊孝宣廟為中宗孝元二風風字舊作候疑此本有誤

廟為高宗天子世世獻祭冬置西海郡

○宋祁曰新本去冬字

徙

天下犯禁者處之梁王立有罪自殺分京師置前輝光

後丞烈二郡更公卿大夫八十一元士官名位次

師古曰更



也改及十二州名分界郡國所屬罷置改易天下多事吏

不能紀冬大風吹長安城東門屋瓦且盡

五年春正月禘祭明堂

應劭曰禮五年而再殷祭壹禘壹禘祭者毀廟與未毀廟之

主皆合食於太祖師古曰禘音洽

諸侯王二十八人列侯百二十人宗

室子九百餘人徵助祭

師古曰徵召也

禮畢皆益戶賜爵及金

帛增秩補吏各有差詔曰蓋聞帝王以德撫民其次親

親以相及也昔堯睦九族舜惇敘之

師古曰虞書堯典云昔在帝堯克明

峻德以親九族九族既睦平章百姓咎繇謩曰惇敘九族庶民罔厲翼言堯能明峻德之士而任用之以睦高祖

玄孫之親迺令百姓平和章明舜又厚教此親使衆  
庶皆明其教而自勉勵翼戴上命也故此詔引之 朕

以皇帝幼年且統國政

師古曰朕者太皇太后自稱也

惟宗室子皆太

祖高皇帝子孫及兄弟吳頃楚元之後

師古曰吳頃謂高帝之兄仲也

初為代王後廢為合陽侯而子濞封為吳王故追諡仲為吳頃王頃讀曰傾

漢元至今十有

餘萬人雖有王侯之屬莫能相糾

師古曰糾謂禁察也

或陷入刑

罪教訓不至之咎也傳不云乎君子篤於親則民興於

仁

師古曰此論語載孔子之辭也言上能厚於親屬則下皆化之起為仁行也以論語傳聖人之言故謂之

傳他皆類此

其為宗室自太上皇以來族親各以世氏郡國

置宗師以糾之致教訓焉二千石選有德義者以為宗

師考察不從教令有寃失職者宗師得因郵亭書言宗

伯請以聞

晉灼曰宗伯宗正也師古曰郵行書舍也言為書以付郵亭令送至宗伯也郵音尤

常

以歲正月賜宗師帛各十匹義和劉歆等四人使治明

堂辟廡

師古曰為使者而典其事

令漢與文王靈臺周公作洛同符

師古曰文王築靈臺周公成維邑言與之符合

太僕王憚等八人使行風俗

師古

曰行音下更反

宣明德化萬國齊同皆封為列侯徵天下通知

逸經古記天文厯算鍾律小學史篇方術本草及以五

經論語孝經爾雅教授者在所為駕一封軺傳

如淳曰律諸當

乘傳及發駕置傳者皆持尺五寸木傳信封以御史大夫印章其乘傳參封之參三也有期會累封兩端端各兩封凡四封也乘置馳傳五封也兩端各二中央一也軺傳兩馬再封之一馬一封也師古曰以一馬駕軺車而乘傳傳遣詣京師至者數千人閏月立梁孝王玄孫音張戀反

之耳孫音為王冬十二月丙午帝崩于未央宮

臣瓚曰帝年九

歲即位即位五年壽十四師古曰漢注云帝春秋益壯以母衛太后故怨不悅莽自知益踈篡弑之謀由是生

因到臘日上椒酒置藥酒中故翟義移書云莽鴆殺孝平皇帝

大赦天下有司議曰禮

臣不殤君皇帝年十有四歲宜以禮斂加元服

師古曰斂音力

贍反奏可葬康陵臣瓚曰在長安北六十里詔曰皇帝仁惠無不顧哀

師古曰言帝平生多所顧念哀憐每疾一發氣輒上逆害於言語故不

及有遺詔其出媵妾皆歸家得嫁如孝文時故事師古曰媵

妾謂從皇后俱來者媵之言送也媵音食證反又音孕

贊曰孝平之世政自莽出褒善顯功以自尊盛觀其文

辭方外百蠻亡思不服師古曰大雅文王有聲之詩曰自東自西自南自北亡思不服

言武王於鎬京行辟雍之禮自四方來觀者皆感其德化心無不歸服故此贊引之休徵嘉應頌

聲並作師古曰休美也徵證也至乎變異見於上民怨於下莽亦

不能文也

如淳曰不可復文飾也

前漢書卷十二

前漢書卷十二考證

平帝紀故桃鄉頃侯子成都為中山王○胡三省曰平

帝入奉大宗故立成都以奉孝王後臣召南按成帝

立定陶王為太子即立楚孝王孫景奉定陶恭王祀

即此事所本也

封宣帝耳孫信等三十六人皆為列侯○通鑑考異曰

紀在元年莽傳在五年按王子侯表皆以元年二月

丙辰封莽傳誤也胡三省曰按表陶鄉侯恢等十五

人皆以二月丙辰封不及三十六人之數又無信名  
蓋恢等皆宣帝曾孫也

罷安定呼沱苑以為安民縣○

臣召南

按志中山國無

安民縣何也

置西海郡○

臣召南

按莽所置西海郡在金城郡臨羌

縣塞外西北地理志可証西海曰僊海亦曰鮮水海  
即今青海也

分京師置前輝光後永烈二郡○胡三省曰前輝光蓋



領長安以南諸縣後丞烈蓋領長安以北諸縣也

前漢書卷十二考證

謹案卷十第五頁前六行三輔黃圖刊本黃訛皇  
今改

第十四頁前六行令天下母有動搖之心刊本動  
訛勸今改

第十六頁前六行語在郊祀志刊本志訛忘今改  
卷十一第五頁前一行郡國比比地動刊本地動  
訛動地据毛本移正

卷十二第九頁後三行謂古時帝太昊之屬刊本

古訛五據監本改

第十一頁後二行諸當乘傳刊本乘訛秉據監本  
改



總校官庶吉士臣張能照

校對官中書臣孫希旦

謄錄監生臣楊省曾

欽定四庫全書

史部  
前漢書卷十三

詳校官主事銜臣徐以坤




欽定四庫全書薈要卷三千七百二十六

史部

前漢書卷十三

漢 蘭 臺 令 史 班 固 撰

唐正議大夫行祕書少監琅邪縣開國子顏師古注

  
異姓諸侯王表第一

昔詩書述虞夏之際舜禹受禪

師古曰古禪字音上扇反

積德累功

治于百姓攝位行政考之于天

師古曰謂在璿璣玉衡以齊七政考之於天知

已合天心不也經數十年然後在位殷周之王乃繇高稷

師古曰繇

讀與脩仁行義歷十餘世至于湯武然後放殺

師古曰殺讀曰

弑它皆類此也秦起襄公章文繆獻

師古曰言秦之初大起於襄公始為諸侯至文公繆

公獻公更為章著也襄公莊公之子文公襄公之子也繆公德公之少子獻公靈公之子也

孝昭嚴

稍蠶食六國

師古曰孝謂孝公也即獻公之子昭謂昭襄王即惠王之子武王之弟也嚴謂莊襄

王即昭襄王之孫孝文王之子也後漢時避明帝諱以莊為嚴故漢書姓及謚本作莊者皆易為嚴也它皆類此蠶食謂漸吞滅之如蠶食葉也百有餘載至始皇廼并天下以德若

彼用力如此其難也

師古曰難古艱字也

秦既稱帝患周之敗

以為起於處士橫議諸侯力爭四夷交侵以弱見奪

服虔



曰言因橫議而敗也應劭曰孟軻云聖王不作諸侯恣  
行處士橫議師古曰處士謂不官於朝而居家者也橫  
音胡孟反次下橫  
發其音亦同也  
於是削去五等  
應劭曰周制公侯伯子男五等爵墮

城銷刃

應劭曰壞其堅城恐復阻以害已也聚天下之  
兵鎔以為銅人十二不欲令民復逆命也古者

以銅為兵師古  
曰墮音火規反

箱語燒書

應劭曰禁民聚語畏其謗已  
箱緘也箱與鉗同晉灼曰許

慎云箱籥也師古曰晉說是也謂箱籥其口不聽  
妄言也即所謂禁耦語者也箱音其占反籥音躡

內鋤

雄俊外攘胡粵

師古曰攘却  
也粵古越字

用壹威權為萬世安

師古  
曰令

威權壹

然十餘年間猛敵橫發乎不虞

師古曰虞度也  
意所不度謂之

不適戍彊於五伯

師古曰適讀曰謫謫戍謂陳勝吳廣  
也伯讀曰霸五霸謂昆吾大彭豷韋

齊桓晉文也

閭閻偏於戎狄

應劭曰周禮二十五家為閭閻音簷門閭外旋下廡

謂之步簷也閭閻民陳勝之屬言其逼秦甚於戎狄也師古曰閭里門也閭里中門也陳勝吳廣本起閭左之

戎故總言閭閻應說非也

嚮應瘠於謗議

服虔曰瘠音慘應劭曰秦

閭左解在陳勝傳偏音逼

法誹謗者族今陳勝奮臂大呼天下莫不嚮應嚮應之害更瘠烈於所謗議也師古曰嚮音響響應者如響之

應聲瘠病也服音是也

奮臂威於甲兵鄉秦之禁適所以資豪桀

而速自斃也

師古曰鄉讀曰嚮謂曩時也秦禁謂墮城銷刃箝語燒書之屬是也

是以漢

亡尺土之階繇一劍之任

師古曰任用也事也

五載而成帝業書

傳所記未嘗有焉何則古世相革皆承聖王之烈

師古曰革

變也烈也烈謂

今漢獨收孤秦之弊鑄金石者難為功摧枯

朽者易為力

師古曰鑄琢石也音子全反

其執然也故據漢受命譜

十八王月而列之天下一統迺以年數

應劭曰譜音補  
項羽為西楚霸王

王為天下主命立十八王王高祖於蜀漢漢元年諸王  
單封各就國始受命之元故以冠表焉張晏曰時天下  
未定參錯變易不可以年紀故訖于孝文異姓盡矣  
列其月五年誅籍乃以年紀焉

元

分分分常分臨分分分分分

分分

分

漢楚

衡臨九

趙為齊

濟膠

雍塞翟燕遼魏

為韓

河



月代為王以數旁行都云  
上題

月三 月二

三 城彭 二 都

三 邾 二 都

三 陵江 二 都

三 六 二 都

三 國襄 二 都

九廿 代 八廿 都 七廿

三 溜臨 二 都

三 陽博 二 都

二廿 墨卽 一廿 都 十二

三 丘廢 二 都

三 陽櫟 二 都

三 奴高 二 都

三 薊 二 都

二卅 終無 一卅 都 十三

一廿 陽平 十二 都 十九

三 歌朝 二 都

四廿 翟陽 三廿 都 二廿

三 陽維 二 都

月四

四

四

四

四

四

三

楚降四都擊崇田

四

三廿

四

四

四

四

三卅

二廿

四

五廿

四

月五

五

五

五

五

五

一卅

相齊故五始崇田王

五

齊屬市四廿殺擊崇田

五

五

五

五

四卅

三廿

五

六廿

五

月 七

七

七

七

七

七

三 卅

三

月 六

六

六

六

六

六

二 卅

二

齊屬安 六 殺擊榮田

之園漢 七 丘廢守邯

漢 七 降欣

漢 七 降翳

七

六

六

六

六

燕屬廣 六 卅 殺擊茶臧

五 卅

七

五 卅

四 卅

六

之立王項始昌鄭王

七

成誅 七 卅 籍項

六

月九

九

九

九

九

漢九降耳

王趙五卅復歇

五

月八

八

八

八

八

八

四卅

四

九

八

郡上河南渭為漢屬

郡上為漢屬

九

八

七廿

六廿

九

八

三

二

漢九降陽

八



月一十

十

十

十

十

七卅

二

七

月十

十

十

十

十

趙王還歇王代

君成安王號為陳歇  
以

六

十

西隴十我拔漢

十

十

九廿

八廿

十

十

二

之立漢始信韓王

郡南河為漢屬

月一	年二	月二十
月一	年二	廿
月一	年二	廿
月一	年二	廿
月一	年二	廿
九卅		八卅
四		三

王為假田王齊二故立復籍項之殺民原平走榮擊籍項

月一 年二 地北 廿 我拔漢

月一 年二 廿

一卅

卅

月一 年二

廿

四

三

月二

二

二

四

二

十四

五

田榮弟反陽假奔楚殺假

二

二

豹降卅二為王

印降卅漢

五

項羽三萬人破

月三

三

三

五

三

十四

六

王廣始故田榮子橫立之

三

三

從漢卅三伐楚

屬漢為河內郡

從漢六伐楚

漢兵五十萬六

月五

月四

五

四

五

四

七

六

五

四

三十八

二十七

八

七

三

二

郡北隴中五漢邯漢  
地西地為屬殺

四

五

四

五卅

漢畔四卅歸豹

八

七

月 七

七

七

九

七

五十四

十

五

月 六

六

六

六

六

四十四

九

四

七

七十三

十

六

六十三

九

月八

八

八

廿

八

六十四

十六

六

月九

九

九

一廿

九

七十四

二十七

七

九

八

郡黨上東河為漢屬

約擊虜

八卅

漢將韓信

十六

十六

月一十

十

十

三廿

十

郡原太為漢屬

九

十

二

月十

十

十

二廿

十

歌八十四減漢

三十

八

十

月一年二

月二十

十二

十二

四廿

漢降布

月一年三

月一年三

月一年三

五廿

十二

十

月一年三

十二

四

三



月二

二  
二  
共

月三

三  
三  
七

月四

榮陽四閩漢  
四  
七

月五

五  
五  
九

五

四十

三十

十

五

四

三

二

八

七

六

五

月六  
六  
六  
三

月七  
七  
七  
三

月八  
八  
八  
王為嗣尉子

月九  
九  
九  
二

六

七

八

九

六

七

八

九

九

十

十

十

月十

十

十

三

廿

十

月一年三

月一十

十

十

四

廿

十

二

且龍殺擊信韓將漢

之立漢始耳張王趙復

郡漢廣屬擊殺韓信將

月二十

十

十

五

二

十

三

月一年四

月一年四

月一年四

六

三

國齊

月一年四

四

月二

二

二

七

四

之立漢始信韓王

二

五

月三

三

三

八

五

二

三

六

月四

四

四

九

月五

五

五

十

月六

六

六

十

月七

七

七

十

更為淮南王英布始漢之

九

八

七

六

六

五

四

三

七

六

五

四

十

九

八

七

即位年五皇即	月九	月八
始信韓月正王籍誅漢	九	八
沙長十徙芮	九	八
尉虜漢月二十	月二	月一年二
年二	三	二十
薨耳丑乙月二十	十	十
國為原太以		
楚王信韓徙	八	七
尉太故始綰盧王月九後荼誅九漢反		八
始越	彭王	國梁置
年四	十	十
芮六月始王吳乙未月	國沙長置初	

年八

年七

年六

侯為廢信月一十

五

四

三

侯為三廢教

二

王為嗣教子

奴勾降反信月九始信韓王

四

三

二

四

三

二

原太五徙信

三

二

嗣臣王成

年九

年十

年一十

年二十

六

七

誅八反布

五

六

奴句降反縮

五

誅六反越

四

五

六

七



年四

年三

年二

年元惠孝

三

二

嗣回五哀

八

年五

年六

年七

國魯置初

國陽淮置初

國山常置復

國呂置初

六

五

四

年二

二

年元后高

孫外后高始偃張王月四

二

子孝詐后始王辛四月  
惠立所高強卯

侯襄城始故王義於丑十月無子曰辰不疑

惠立孝所高疑始王不辛四月

王為嗣嘉子肅曰諡薨台子兄后高始台呂王卯辛月四

嗣若

王共

七

年三

三

三

二

二

二

年四

四

四

義帝為五月丙辰王朝始故軹侯

三

三

年六  
六

年五  
五

侯關壺故始武王

子無懷五曰謚薨強

三

二

始產呂王月一十廢驕坐嘉

四

國梁置初

五

四

年八

侯為八廢偃

年七

七

誅子三非以武

二

誅子五非以朝

四

祿誅共臣大漢月八

子兄后高始祿呂王趙

侯平始王丁一梁塵  
昌故大巳月十徙

通共大月通王癸七月  
誅臣漢八呂丑

國燕置初

產誅共二臣大漢

始產呂王月二

七

六

年四

年三

年二

年元文孝

三

二

嗣產王靖

八

年八

年七

年六

年五

七

六

五

四



年二十 年一十 年十 年九

十 十 九 八

年六十	年五十	年四十	年三十
-----	-----	-----	-----

五十	四十	三十	二十
----	----	----	----

後元元年

二年

三年

四年

九十

八十

七十

六十

年七

年六

年五

除國子無二十二薨朝來一十二十二



前漢書卷十三

前漢書卷十三考證

異姓諸侯王表秦起襄公章文繆獻○

臣召南

按史記

秦楚之際月表曰秦起襄公章於文繆獻孝之後稍以蠶食六國史記從文繆斷句而獻公下連孝公云獻孝之後則昭王莊襄王皆已包括此表章字下無於字則從獻字斷句蓋秦自獻公以上不過為西方大國至孝公以還遂駁駁乎有并吞天下之勢矣

趙常山○

臣召南

按表大書趙字而夾書常山於旁以

是時分趙為二故趙地則為常山國也齊臨淄亦然  
分齊為三齊國則都臨淄也

韓王韓成始故韓王○按史記作故韓將

田榮擊都降楚○

臣召南

按史記表作田榮擊都都降

楚此文脫一都字耳又按此表書事較史記每移前  
一月如此事史記在五月此文則在四月

前漢書卷十三考證